



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Disputationum// Roberti Bel-//larmini Politiani,// Societatis
lesv// De Controversiis// Christianae Fidei, Adver-//sus
huius temporis Haereticos,// Tomus ...**

De Sacramento Evcharistiæ - Sex Libris Explicata

Bellarmino, Roberto Francesco Romolo <Heiliger>

Ingolstadii, [1589]

VD16 B 1603

XXV. De veritate quintæ Oratione Canonis.

[urn:nbn:de:hbz:466:1-54113](https://nbn-resolving.org/urn:nbn:de:hbz:466:1-54113)

Kemnitius attulit. SECVNDO in hoc testimonio appetimus, virtute Spiritus sancti ex pane fieri carnem, & transire in sanguinem, quod est contra omnes Lutheranos, qui negant transubstantiationem.

CAPVT XXV.

De veritate quinta orationis Canonis.



QVINTA oratio illa est: *Memento etiam Domine, etc.* in qua fit memoria defunctorum.

PRIMA obiectio Lutheri est, qui hanc orationem secum ipsam pugnare, seque ipsam destruat affirmat. Nam hic oramus pro iis qui dormiunt in somno peccatis, & qui in Christo requiescunt: & tamen eis precamur cum refrigerij, lucis, & pacis. Si dormiunt, ac requiescunt, quid illis refrigerium petimus? si pacem habent, cur pacem illis optamus?

RESPONDEO; Pacem illi quandam, & quietem habent, quia certi, ac securi sunt de premio aeternae felicitatis, & liberi sunt à bello tentationum, & concupiscentiae, & opere malo: sed nondum pacem, & quietem habent, quia timoris, & à desiderio visionis diuinæ. Nec poterat aptior oratio componi, ut solis iis conueniret, qui in purgatorio sunt. Nam qui sunt in gehenna, ij nullam pacem, & quietem habent: qui sunt in regno, omnem pacem, & quietem possident: soli sunt ij, qui in purgatorio exercentur, qui ita in somno peccatis requiescunt, ut adhuc refrigerio, & pace indigeant.

SECVNDA obiectio, est Kemnitij DVODECIMA, qui dicit, dacter affirmat, olim solam memoriam defunctorum habuisse solitam, ad imitationem scilicet, & in testimonium, quod membra apud Deum viuunt, teste Dionysio: postea ad illam memoriam accessisse etiam preces pro defunctis: postremo legimus, quod ipsum pro defunctis offerri coeptum; ita nimirum perlatum veterum instituta in superstitiones degenerasse.

RESPONDEO; Multa de hac re supra diximus, cap. 10. etiam ex Tertulliano antiquissimo auctore ostendimus, quod offerendi pro defunctis, ut non possit non esse mendacium, quod hic scribit Kemnitius, instituta veterum paulatim degenerasse in abusum. Hoc loco solius Dionysij testimonium proferam, ut Kemnitius erubescat, si frontem habet. Dionysius in 1. vs igitur lib. de Eccles. hierar. cap. 7. par. 3. *Accedens in*

Venerandus Antistes precem sacram super mortuum peragit, post quam precem, & ipse eum Præsul salutatur, & suo deinceps ordine qui adstant omnes. Precatur oratio illa diuinam clementiam, & cuncta dimittat per infirmitatem humanam admissa peccata defuncto, eumq; in luce statuatur, & regione viuorum, &c.

CAPVT XXVI.

De sexta oratione Canonis.

SEXTA oratio, quæ & vltima est in Canone propriè dicto, incipit ab illis verbis: *Nobis quoque peccatoribus*, & extenditur vsque ad *Per omnia secula seculorum*, ante Dominicam orationem: concluditur enim totus Canon alta voce illis verbis: *Per omnia secula seculorum*, vt populus totum confirmet, respondendo, *Amen*. Quare feria VI. maioris hebdomadæ, quia totus Canon, qui pertinet ad consecrationem, omittitur, nulla harum sex orationum legitur, nec dicitur, *Per omnia secula seculorum*, sed immediatè post lotionem manuum, fit transitus ad orationem Dominicam.

In hac oratione pro seipso orat sacerdos, ac de suis meritis diffusus, precatur sibi ex diuina misericordia partem, & societatem cum sanctis Apostolis, & Martyribus. Vbi illud est **NOTANDVM**, hic nominari **PRIMO** loco Ioannem. **SECUNDO** Stephanum. **TERTIO** Matthiam: de quibus multi dubitant cur solus Ioannes hic reperatur ex iis, qui nominantur ante consecrationem; & cur Stephanus Diaconus præponatur Matthiæ Apostolo, & cur Matthias in priori ordine non fuerit nominatus. Et quidem Innocentius, & quidam alij, respondet Ioannem bis nominari, quia fuit Apostolus, & virgo; & idè etiam coniungi cum Stephano, qui excellere visus est continentiæ dono, cum viduis præpositus fuerit. Sed verior mihi videtur VValfridi sententia, cap. 22. qui Ioannem, qui hoc loco nominatur, non Euangelistam, sed Baptistam esse dicit, qui Martyr etiam Domini fuit, & aliquo modo Apostolus, iuxta illud Ioan. 1. *Fuit homo missus à Deo*.

Cur autem Stephanus Matthiæ præponatur, vera ratio est, quia seruat hoc loco Ecclesia ordinem passionis, non dignitatis; prius autem passus est Ioannes, quàm Stephanus, & prius Stephanus, quàm Matthias.

H h h h

Cut